

朱子大全集

第一函
第八冊

晦菴先生朱文公文集卷第七

詩

崇壽客舍夜聞子規得三絕句寫呈平父兄煩爲轉寄
彥集兄及兩縣間諸親友

空山初夜子規鳴靜對琴書百慮清
喚得形神兩超越不知底是斷腸聲

空山中夜子規啼病怯餘寒覓故衣
不爲明時堪畚戀久知岐路不如歸

空山後夜子規號斗轉星移月尚高
夢裏不知歸未得已驅黃犢度寒臯

寄雲谷瑞泉菴主

憶昔誅茅日山房我自名風埃猶俗累
烟雨負巖耕多謝空門

侶能同物外情肯來分半壑聊爾度平生
心待清秋日閑尋遠嶽盟不知誰是客
一笑絕塵纓

入南康界閱圖經感陶公李勃劉凝之事戲作

長官定笑歸來晚中允應嫌去却回
惟有山人莫相笑也曾還俗做官來

屢游廬阜欲賦一篇而不能就
六月中休董役卧龍偶成此詩

登車閩嶺微息駕康山陽康山高不極
連峰鬱蒼蒼金輪西嵯峨五老東昂藏
想象仙聖集似聞笙鶴翔林谷下淒迷
雲關杳相望千巖雖競秀二勝終莫量
仰瞻銀河翻俯看交龍驤長吟謫仙句
和以玉局章疇昔勞夢思茲今幸徜徉
尚恨黍符竹未愜棲雲房已尋兩峰間
結屋依陽岡上有飛瀑駛下有清流長

循名協心期弔古增悲涼壯齒乏奇節頽年矧昏荒誓將塵土蹤暫寄雲水鄉封章儻從欲歸哉澡滄浪

讀李賓老玉澗詩偶成

獨抱瑤琴過玉溪琅然清夜月明時祇今已是無心久却怕山前荷簑知

立秋日同子澄寺簿及僉判教授二同寮星子令尹約周君段君同遊三峽過山房登折桂分韻賦詩得萬字輒成十韻呈諸同遊

抗塵幾何時猿鶴共悲怨豈知朱墨暇乃適山水願茲晨秋令初休沐謹邦憲佳賓忽四來英僚亦三勸駕言北郭門謝此輿隼建散目山崔嵬縱轡路脩蔓凭欄快倒峽躋壑困脫輓追攀林樾深懼喜脚力健登高眺遠浦衆景爭自獻何必仍丹丘徑

欲凌九萬

和子澄白鹿之句

經旬不到鹿場陰
夢想飛馳不自禁
幸有高軒同勝賞
何妨折屐共幽尋
徘徊未厭詩書樂
感慨難忘忠孝心
更對豐鐫哦伐木
風泉雲壑助清吟

暇日侍法曹叔父陪諸名勝爲落星之遊分韻得往字
率爾賦呈聊發一笑

長江西委輸
匯澤東滉漾
中川屹孤嶼
佛屋寄幽賞
我來此何日
秋氣欲蕭爽
共載得高倚
良晨豈孤往
酒酣清歎發
浪湧初月上
疊鼓喚歸艍
陳迹真俯仰

九日奉陪高州史君蕭陽別駕會稽丞公善化明府仲衡詩伯并屈予美元範二兄及郡中諸文武同登紫霄

絕頂南望江湖北眺淮甸少快心目旣歸又得仲衡佳
篇句法清麗情致悽惋三復不勝起予之歎謹次韻呈
請皆賦之以紀一時之盛甚惠甚望

此日登高處千年錦樹稠無人嘲落帽有客賦悲秋忽忽塵中
老忽忽物外遊江湖空極目不盡古今愁

下元節假行視陂塘因與賓友孳兒甥出郭登山歸賦
二詩示子直春卿及折桂雲谷并寫呈郡中諸寮友

廬阜東北際岩堯五峰尊中巖穹林繞青天白雲屯郡閣有佳
眺徙倚空朝昏今晨幸休暇發軔北郭門牽蘿出林端躡屐躋
雲根高尋却深窵小憩欣潺湲古殿宿寒靄新薨麗朝曦扶藜
陟東岡夙昔規曾軒却倚千尋峭前窺百泉奔長風卷浮埃江
湖渺相吞結架雖未諧雄瓌已難論同來俱勝流晤語仍王孫

已踐支許諾不慙夙尚魂賦詩紀茲日歲晚期相敦

卧龍之遊得秋字賦詩紀事呈同遊諸名勝聊發一笑
躡石度急澗窮源得靈湫豁豁兩對立噴薄中怒投何年避人
世結屋棲巖陬嘉名信有託故迹誰能求我來一經行淒其仰
前脩鄰翁識此意伐木南山幽爲我立精舍開軒俯清流多岐
涼匪安一壑真良謀解組云未遂驅車且來遊嘉賓頗蟬聯野
菽更獻酬飲罷不知晚欲去還淹留躋攀已別峰窺臨忽滄洲
下集西澗底沉吟樹相樛王淵茗飲餘三峽空尊愁懷賢旣伊
鬱感事增綢繆前旌向城郭回首千峰秋

卧龍之遊錢通守得仁字不及賦詩已解維矣烹用其
韻紀事以贈并附卷末

君行安所適衝風沂濤江傳聞閩州好未見心已降邀君康山

遊聽此巨壑淙班坐酌溪石幽尋思雲窓勸君盡此杯錦帆已
稠枉明年儻來東鳴鑣建高幢訪我深澗底晤言絕紛囂城南
且細說慰我心恹恹

分韻得眠意二字賦醉石簡寂各一篇呈同遊諸兄

驅車何所適往至秋雲邊企彼澗中石舉觴酌飛泉懷哉千載
人矯首辭世喧淒涼義熙後日醉向此眠仰視但青冥俯聽驚
潺湲起坐三太息涕泗如奔川神馳北闕陰思屬東海璫丹衷
竟莫展素節空復全低徊萬古情惻愴顏公篇爲君結茅屋歲
暮當來還

醉石

天秋山氣深日落林景翠亦知後騎迫且復一流憩環瞻峰列
屏迴矚泉下潺永懷仙陸子久挹浮丘袂于今知幾載故宇日
荒廢空餘醺壇石香火誰復繼更憐韋刺史五字有真意虎竹

付歸人悲風起橫吹沉吟向絕迹浩蕩發幽寄來者知爲誰念

我疇三喟

簡寂

尋白鹿洞故址愛其幽邃議復興建感歎有作

清冷寒澗水窈窕青山阿昔賢有幽尚眷言此婆娑事往今幾
時高軒絕來過學館空廢址鳴絃息遺歌我來勸相餘杖策蹇
綠蘿謀野欣有獲披圖知匪訛永懷當年盛華莘衿佩多博約
感明恩涵濡熙泰和淒涼忽荒榛俯仰驚顛波發教逮綱紀喟
然心靡它伐木循陰岡結屋依陽坡一朝謝塵濁歸哉碩人邁

時已疏上尚
書乞洞主矣

遊白鹿洞熹得謝字賦呈元範伯起之才三兄并示諸

同遊者

歲月有環周窮臘忽受謝眷眷山水心幸此朱墨暇招呼得良

友邂逅成夙駕深尋故轍迹喜見新結架永懷拾遺公藏器此
待價橫流詩書澤下及楊李霸炎神撫興運制作流大化石室
萬卷藏綸言九天下規模未云遠荒茆良可託自非賢邑宰誰
復此精舍會當求敕賜畢願老耕稼更與盡心期臨流抗風榭
元範尊兄示及十梅詩風格清新意寄深遠吟玩累日
欲和不能昨夕自白鹿玉澗歸偶得數語

江梅

大雪天地閉窮陰渺寒濱誰知江南信已作明年春

嶺梅

梅花破萼時瘴雨吹成雪驛使忽相逢無言似愁絕

野梅

野風吹孤芳迥立正愁絕皂蓋莫徘徊堪看不堪折

早梅

霜風殊未高杖策荒園裏
仙子別經年相看共驚喜

寒梅

白玉堂前樹風清月影殘
無情三弄笛遙夜不勝寒

小梅

且喜梅花開莫嗟梅花小花
小風味深此意君已了

疎梅

玉筍未黃昏冰灘已清淺
疎影不勝妍愁心爲誰遠

枯梅

樛枝卧龍蛇冷蘂綴冰雪
千里故人心今年爲誰折

予家居時
劉平甫

折此枝
爲贈

落梅

花開已淒涼花落更愁寂來歲烟雨時爲君和鼎實

賦梅

君欲賦梅花梅花若爲賦繞樹百千回句在無言處

觀梅小集以齋禁不得奉陪因寄小詩

梅花年後欲離披恰是先生變食時送與西樓一尊酒諸君莫負可憐枝

元範別後寄惠佳篇清叟次韻見示格律俱高詠歎不置因亦用韻寫呈二兄聊發一笑

故人別我去一月曠音驛今朝得新詩開卷意已適知君到里門征騎聊一息行復徹天關從容正朝幘自今九霄路不復兩塵隔客與日華東翺翔禁扉北回頭五峰下寂漠笑孤客不賦歸去來心形謾相役

右呈元範

五十行過二雙鬢
秋草平生素心人
誰與共茲抱
今年廬山下
得子恨不早
歲月幸同庚
詩書復同道
惟應山南北
雲母夜堪
壽獨生有仙期
迴崖詎難到
月經不我誑
白髮不一掃
看公鬚眉蒼
杖鉞督征討

右呈清叟

次卜掌書落成白鹿佳句

重營舊館喜初成
要共羣賢聽鹿鳴
三爵何妨奠蘋藻
一編詎敢議明誠
深源定自閑中得
妙用元從樂處生
莫問無窮菴外事
此心聊與此山盟

白鹿講會次卜丈韻

官牆蕪沒幾經年
祗有寒烟鎖澗泉
結屋幸容治舊觀
題名未

許續遺編

請爲洞王不報

青雲白石聊同趣

謂西澗劉公

霽日

光風更別傳

謂濂溪夫子

珍重箇中無限樂
諸郎莫苦羨騰騫

再用前韻示諸同遊

幽卧寒巖不記年飽看山月聽風泉
舒憂正得琴三疊玩意惟憑易一編
誤落塵中垂風尚却思洞裏付真傳
封章倘幸天從欲便解銅符謝縶騫

次韻四十叔父白鹿之作

誅茅結屋想前賢千載遺蹤尚宛然
故作軒窗挹蒼翠要將絃誦答潺湲
諸郎有志須精學老子無能但欲眠
多少箇中名教樂莫談空諦莫求仙

送四十叔父

吾家從昔號清門叔父于今道更尊
客路艱難空自惜遺經終始向誰論
獨尋雲嶠逢孤姪共愛春江接故園
細說刈葵休放手此來真不爲盤餐

伏蒙秘閣張丈寵顧下邑并以長篇爲貺降歎之餘率
勉繼韻仰求斤削僭率皇恐

向來滅迹東山東閉門不問烏雌雄門前有路向塵土兩足未
舉心先慵當時亦有車馬客此意欲說嗟誰同窮居聊復追仲
蔚篤論何必須劉龔平生故人子張子相思安得長相從每勞
書疏問生死坐想星宿羅心胸幾年持節漢水上木牛流馬旌
旗紅君王輟饋思頗牧外庸且訖來朝宗因能過我紫霄下後
乘載得朱簾櫳蒼顏白髮應笑我曷不飽卧陶窗風開樽鵝池
水清激下馬醺石烟空濛須臾路轉山更好摩天巨刃排雙峰
少看銀河忽倒掛面欲跳下清冷中南臨匯澤其指點縹緲貝
闕浮珠宮公言平日愛登覽到此一洗羣山空坐間爲我出奇
句不用遠寄南飛鴻上言雲泉足奇賞下歎契濶歡相逢紛吾

天脚墮世網乃有此會寧天窮流光過眼驚昨夢舊約回首蓋
塵容明朝却上烟艇去減沒萬頃迥鳬翁

和張彥輔初到南康之句

十年不共賦陽春正有胸中萬斛塵失喜清詩還入手細看佳
句轉驚人知公近覺青山好顧我頻嗟白髮新肯過寒齋共尊
酒向來心事請深陳

奉同都運直閣張丈哭敬夫張兄張丈有詩敢次元韻
悲悼之極情見乎詞伏幸采覽二首

秀翁威略懔華戎遺恨車書久未同喜有象賢堪嗣事故知鴻
業自無窮蕃宣合奏三年最風采俄驚一旦空根本平生有深
計遺書不但子囊忠

不應世道卽漂淪何事今年失此人禮樂端能懷益友琴笙忍

遽樂嘉賓亦知遊好曾通譜却記登臨喚卜鄰兩首悲詩數行
淚感傷那復鬪清新

張丈垂顧適聞計音爲罷郡宴敬夫何嘗約熹徙居湖之上蓋相語於裴公臺上云

秘閣張丈簡寂之篇韻高難繼別賦五字以謝來貺

勞農會稽宅息駕丹元鄉丹元不可見翠碧空雲房是時中春
月暄風發新陽白水注幽壑綠樹敷崇岡俯聽足怡悅仰觀共
徜徉班坐得瑤草傾壺出瓊漿長吟遊仙詩亂以招隱章忽忽
林景西躊躇中慨慷坐上江海客兀傲鬚眉蒼逸氣邁霄漢英
詞吐琳琅思與泉石勝韻隨笙鶴翔追遊不敢及咏歎可能忘
客傳歸宗是王右軍故宅陸脩靜封丹元真人

和張彥輔落星寺之作

嵌空奇石戰驚濤樓殿崢嶸勢自高四面真成開玉鑑三山應
是失金鰲題詩正爾難搜句舉酒何妨共作豪倚遍闌干更愁